

**Kementerian Pengajian Tinggi Serious Untuk Semai Budaya PSH
Bernama
9 Ogos, 2012**

KUALA LUMPUR, 9 Ogos (Bernama) -- Kementerian Pengajian Tinggi serius dalam usaha menyemai budaya pembelajaran sepanjang hayat (PSH) bagi melonjakkan kualiti kehidupan rakyat negara ini.

Ketua Setiausaha kementerian itu Datuk Ab Rahim Md Nor berkata kementerian berhasrat menterjemahkan PSH sebagai gaya hidup masyarakat melalui penerapan mesej dan program peningkatan kesedaran PSH.

"Penyemaian budaya ilmu boleh diterokai dan diperolehi tanpa batasan usia dan pendidikan formal.

"Bagi memperkenalkan PSH dengan lebih dekat kepada rakyat, kementerian akan mengadakan karnival dan seminar peringkat nasional pada 22 dan 23 Sept ini," katanya berucap pada pra-pelancaran karnival PSH dan majlis berbuka puasa bersama media di sini Khamis.

Ab Rahim berkata karnival PSH di Pusat Dagangan Dunia Putra di sini akan menyediakan lebih 100 gerai pameran.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=687052>